

本

事

詩

本事詩後集目錄

卷九

周亮工

顧大申

陳瑚

彭孫遹

宋犖

王士祿

李念慈

施閏章

丁澎

徐乾學

尤侗

錢中諧

錢陸燦

徐夜

董俞

程康莊

張養重

俞南史

雷班

梅子魁

錢霍

徐倬

吳毓珍

陸菜

沈章

本事詩卷九

後集

吳江徐 銚電發編輯

邵武徐 耘小勿校刊

周亮工

元亮櫟園  
祥符人

櫟園先生移家白下駐節青溪桃葉煙波莫愁佳麗  
聞訪殆遍嘗于舟中與胡元潤談秦淮盛事云紅兒  
家近古青溪作意相尋路已迷渡口桃花新燕語門  
前楊柳舊烏啼畫船人過湘簾緩翠幔歌輕紈扇低  
明月欲隨流水去簫聲只在板橋西讀之幾欲作望江  
南也

海上畫夢亡姬

姬與予共甘苦者七載餘性悲壯青陽城上矢

死登陴絕命時言妾爲情累誓不願再生此世  
界幸祝髮以比丘尼葬生宛丘死維揚咸不寂  
寢然妾魂夢終在白門柳色中不在簫聲明月  
下也郎君城上詩猶能默識幸書一通并妾所  
和詩置諸左茗椀古墨及素所佩刀置諸右覆  
以大士像左持念珠右握郎君名字章仗佛力  
解脫非願再世作臂上環也語悽切不忍聞姪  
王氏父爲老諸生歸余時卽能爲有韻言蓋本  
之庭訓云隨予宦維揚疾死署中年才二十有

二葬秣陵牛首之東姬志也亡三載矣不數入  
夢每爲詩哭之亦哽咽不能句己丑之夏董師  
海上舟泊城頭風波鏗鎔鳥獸悲鳴茫茫交集  
遂有魂來握手涕泗儼若生初未免有情不自  
知其絮絮矣

波濤鏗鎔客心降遠夢無煩待夜釭芳草路迷煙漠漠雲  
車風轉水淙淙木銜精衛寧知潤珠滴鮫人竟欲雙躑躅  
詢郎戰苦處烏龍江透白龍江

窅渺天風吹步虛因知僊路死能如全無非是惟羹綉但

有仇讐在魯魚瀚海誰憐驅戰舶草堂空約註農書瀕行  
猶道波濤惡何似閒乘下澤車

閨中作賦未曾休玉女新乘白玉樓才鬼臨文情自豔鏡  
臺有句力偏迺瓣香未必留巫峽杯酒常懷奠莫愁猶憶  
微酣譏我語不仙不佛不封侯姬別有近體詩百首之勿傳

香粉瑩中葬佩刀月明起舞鬼能豪新銘囑記前金粟小  
傳歎攜舊學陶百雉城高驚白浪孤鴛夢冷憶江臯依稀  
更見帷中面玉步聲搖大海濤姬嘗自稱金粟如來弟子予有連珠小玉章鐫予名及學陶字姬沒時命予納掌中白浪河在北海城西

危樓城上字青陽一飯軍中盡激昂旗影全開慚弱女鼓  
聲欲死累紅妝玉臺咏雜空王卷錦繖塵迷壞色裳僊佛  
英雄成底事勞勞亭畔柳千章

海天漠漠旅魂招聚散來潮與退潮莫憶房中調綠綺猶  
聞城上擊金鑣相懷馬瘦烽煙直齊魯車輕雨雪灑往事  
難從同伴問白楊樹下雨瀟瀟庚辛閒自相懷入燕京赴  
北海時載道烽燧子與姬策單騎

數千里

慧刀乞我斷情根柳色誰教戀白門釧上尼珠閒月指機  
中綵線認風旛舌刪綺語微存戒膝少佳兒未若髡城上

詩同風雨葬難從劫後釋煩冤  
未嘗不唏噓淚下也暝去時  
猶命予作小楷納之懷中

北海城上諸詩姬皆有和痛定之後每向余誦昔詩

衆香國裏水僊王薜荔裳垂碧玉璫草色孤墳新白下簫  
聲明月舊維揚依違夢不離江渚辛苦魂能認海航贈爾  
冰絲千萬尺一絲更莫繡鴛鴦

竹枝詞爲胡彥遠納姬賦

輕風襲襲吹蘭舟但道錢塘路不遙我有北嬾能說餅

彥遠

舊納姬  
唐山  
涌頭莫更戀江瑤

姬涵江人江瑤  
柱獨出涵江

喃喃細說細君賢一意溫存百意憐貪得紫香香到日瞞

人牆外遞金錢

蒲中荔枝以紫香爲貴欲得一顆牆外輸金錢一枚

花氣泥人意未舒難教順水囑雙魚侍兒偷報仙霞信再

檢黃河八闢書

彥遠黃河八闢寄內書情文備至

蠻妝新樣木蘭陂學得金陵百事宜

姬初至榕城學爲秣陵妝莫羨江

蘋黃石好

江蘋蒲之黃石人

我儂鄉裏有西施

舟中與胡元潤談秦淮盛時事

曲曲銀河蕩晚霞蘭叢玉瑟閒琵琶暗潮夜濕依欄石細雨朝開隔岸花齒苔無心臨翠蓋芙蓉有意映窗紗雲鬟月底分明畫妬殺垂楊一半遮

章丘追懷李中麓前輩

焉文閣裏舊詞魔自說聞聲泣下多鶯管檀槽明月夜百年猶按奉常歌公以焉文名閣常言演其自作劇客無不有濟南胡春以鵝管作笛有穿雲裂石聲長于竹聲者旁觀嘆羨而已予過章丘猶見有爲此技者公以奉常致仕青龍鈔就自矜誇一律勻停譜鎧鉚樓上燭光空自合錢塘不許唱琵琶公常作寶劍記自言音韻勻停遠出琵琶上琵琶惟雁魚錦梁州序四朝元及甘州歌等六七闋爲可餘皆鬆懈更用韻差池何至神其事曰作記時燭光合遂名其樓曰瑞光耶

對客調笑聚童放歌以此自遠于世云公集最夥每擎杯  
屬筆對客飛翰咄嗟而辦常推王遵巖行文委曲每欲效  
之

憑教一笑散窮愁小令元家字字搜南客不知宮調好虞

山近始點草上

公所著雜劇如園林午夢類總名曰一笑散公所藏元人曲有百十種如馬東籬白

仁甫諸曲皆手自改訂付梓又最喜張小山喬夢符小令  
耑刻以行公名噪于北江以南猶不深知近虞山刻列朝  
詩選始爲闡揚小傳頗悉公生平

顧大申

見山華亭人

戲作絕句寄別歌者

龍笛悠揚羯鼓悲南風作雨北風吹玉杯漱灑無情甚但

向江頭送別離

賈家舞袖郝家歌盡日山城鬪綺羅老去襟情偏浩蕩將軍臺榭飽經過

翠黛明眸撥四絲應將雙璧比紅兒曼聲鳳尾槽邊出此曲流傳是段師

醉吟室裏消長夜冷月當筵入四更猶記多情賢府主笑題小字號連城

陳

瑚

言夏確菴嘗自稱七十二潭漁父太倉人

蘭陵美人歌

示昌  
辟疆

辟彊豪氣今人獨客來便肯開釀醕生平杯勺未能勝勸  
客千觴歡不足筭輿迎我向園亭夜夜紛紛奏絲竹妬殺  
楊枝鸚鵡歌惱亂秦簫鳳凰曲徐郎窈窕十五六髮覆青

楊枝秦簫皆辟紫雲皆辟

彊家  
絲顏白玉昔之紫雲恐不如滿座倡狂學杜牧  
歌兒就中獨有江南人十載愁聞歌舞聲今宵忽聽江南  
調淚似珍珠百斛傾主人好客情未已池上明朝重膾鯉  
更攜紅袖坐蘭舟清光下上芙蓉水維時客臥不能從主  
人強起聊相同一見美人問何處云在蘭陵渡頭住誤落  
青樓塵網中不知誰是儂夫婿美人嘲我村如牛作客旣

無金絡腦當筵那有錦纏頭我謂美人卿莫笑將爲卿卿  
發長嘯辱井昔因誰氏沈蘇臺舊爲何人沼觸撥興亡今  
古悲仰面看天爭瞿巍主人勸我且飲酒一吸遂盡三百  
斗醉來白石叱成羊醒後蒼雲化爲狗美人美人爾來前  
人生豈得長少年不如歸去江南好飄泊天涯最可憐君  
不見溢浦灘頭琵琶婦江州司馬亦潛然

彭孫遹

駿孫義門  
海鹽人

駿孫與西樵阮亭爲香奩倡和詩人都傳之作小令  
長調皆臻妙境阮亭撰倚聲集推爲近今詞人第一  
中遭放廢日從吳姬于酒閒按拍擣彈紅牙檀板新  
聲宛轉其興致亦在柳郎中秦淮海之上也漁洋山

人曰程村與羨門舊不相識一日相遇阮亭座上都無寒溫旣而阮亭起曰鄒大彭十夙昔千里相思今日尹邢相見可無一言乎二君皆大喜過望于是定

交孫默無言合刻三家詞

阮亭嘗有絕句云不逢鄒

子三春信絕憶

彭郎八斗才

王龍標納姬于外館巫巒穉有詩相調余戲和之

畫閣名姝絕代無浦雲山雨對金鋪偷將內史臨川筆搨

得滕王蛱蝶圖

和松陵女子虎丘題壁詩

黃葉驚秋樹影微天涯羈客苦思歸松陵江上青楓冷夢逐行雲一片飛

王西樵再過虎丘題彭十詩後云嶺梅江草跡參差  
拂壁空思半醉時幸不巡牆兼遶柱春風曾此讀君  
詩時羨門方遊嶺南也王阮亭戲送彭十入粵詩并  
附大姑鬟鬟眉黛長小姑娘窈窕宮亭妝三日潯陽風  
信到雙姑早

晚嫁彭郎

宋

鞞

牧仲商  
丘人

汪鈍翁說鈴曰宋公子鞞家居時嘗命作蘇子  
瞻像輒貌已侍其側後筮仕竟得黃州通守

清風店口號

店有西陵難  
女宋娟遺筆

淒風苦雨不勝悲獨宿清風店裏時一夜幾番添蠟燭牆

頭細讀宋娟詩

錢塘顧敢姬鄂子幼輿室人也曩於京師有花憐

昨夜雨茶憶故山泉之句一時豔稱之茲幼輿

遠道見訪口占以贈

閨中有高咏茶憶故山泉似此驚人句難爲贈婦篇畫眉  
君暫輶下榻我相延賦就膝王閣靈風促轉船

王士祿

子底西樵  
新城人

汪鈍翁說鈴云二王好香奩詩唱和至數十首劉比  
部寓書于予予問訊博士曰王大不致墮韓冬郎雲霧  
否又按博士香奩詩自序云情至之語風雅掃地然  
不過使我于宣尼廡下俎豆無分耳蓋其託興如此  
司勳十笏草堂詩歌老蒼兀奡酷似劍南眉山有  
時闌入綺語風骨遒媚當其醉卧東山興酣絲竹雖  
復繡佛長齋而記曲簾前時拋蟹豆覽燃  
脂一集故知維摩入定亦愛畫鬱佗也

本草圖說卷之二  
聞大司寇五絃李公罷遣歌姬遙呈此歌

聽歌曾入忘憂界月落河傾不知憊令公豈是尋常人天  
與豪華當十賚近聞學道遺諸姬爲公搖搖不可耐汾陽  
聲伎娛暮年疇能寂寞甘鮓菜況公磊落須達觀不應竟  
縛枯禪戒未是香山與病緣何妨樊子同春在安石攜妓  
誠有取處仲開闔終無賴誰爲公畫此策者狂奴恨不鞭  
其背一朝解脫追舊歡瓊枝仍粲春風內好炙笙簧教細  
吹更展瓏瑜待高會司勳雅有牧之狂尙書元是司徒輩  
掉頭會訪午橋莊洗眼重看回鵠隊

漁洋山人曰家兄聞於陵司寇罷遣歌伎作歌諷之  
余亦戲成五絕句云司勲一首楔儂詩憶共尙書夜  
讌時萬種心情消未盡忍解駱馬遺楊枝錦帶明珠  
淚晴垂煙波迴雪出門時銷魂兩地風流盡無復當  
筵屈柘枝琵琶舊譜未曾傳虛住揚州過五年署似  
江潭話天寶梨園法曲已如煙促蠻蠻鼈漏滴壺紅  
靴十隊舞鞶瑜狂夫闋盡南朝艷不抵西樓一斛珠  
曾見仙人揮白榆女牀書到宴清都不因妄意麻姑  
爪王遠仙鞭易得無按阮亭自注云錦帶明珠司寇  
俊人之尤麗者煙波迴雪南昌李宗伯家伎近聞亦  
適人矣又司寇曾屬  
余在揚州覓古琵琶

聽白璧雙琵琶

白生璧雙名珏通州人琵琶第一手吳梅村曾  
作琵琶行陳其年詩所謂一曲紅鹽數行淚江  
南祭酒不勝情者也

本事詩卷之二  
四絃誰破夕煙昏恰是香山老裔孫國手那推賀懷智妙音直壓康崑崙移時寂歷鳴沙雁一擣崩騰斷峽猿不是狂奴能作達此中應有淚千痕

鍾山秀才歌

鍾山秀才者李翰林研齋夫人少攻筆墨而金陵之人因以目之者也研齋酒閒道其事爲鬻括作此歌

嬪媛有女鍾山居明珠不結紅羅襦獨向閨房弄筆墨墨痕時壓脣邊朱遂有鍾山秀才號甄家博士差同調金釵

每剔月窗痕錦綉愛寫風林貌水晶小印珊瑚紅字摹萱  
草書名工夔門太史得一見不知乃出羲筭中太史時亦  
金陵住英雄苦有猜嫌虛浮沈聊試覓紅顏那知卻與傾  
城遇傾城相遇忽相憐誰能遠結來生緣不成便辟留侯  
穀好與共泛鷁夷船貯將絕代金堂裏難忘結習芙蓉紙  
夫君乍見驚且疑胡與鍾山秀才似一笑知是當時人當時  
見影今會眞文闇病令詎辭渴闌圖小妹誠殊倫書成  
朱鳥曾盈笥余有朱鳥逸史一書備記閨秀之能文者爲君作歌重紀事許寫  
湘蘅報苦吟須署鍾山秀才字

鍾山秀才有婢曰墨池研齋爲作墨池傳曰乙未予  
在金陵見墨竹數幅善價易之予問何人畫曰是尙  
不識耶蓋鍾山秀才也無何大司馬某公爲予納聘  
及歸新娶婦不知其何能有女子媵者也名墨池予  
佳其名問之則以爲是侍作畫者每畫宜墨之淡佛  
女子以口受筆退其墨故名墨池子異甚卽屬畫則  
墨池之侍畫果然久之予貧窶秀才之畜物及所蓄  
舊墨古硯名人手蹟皆爲予盡則以墨池適于人適  
之無幾日其家人來言墨池死矣死之先墨池告主人  
曰吾夢吾母在焉撫吾曰汝何離秀才汝有墨祿  
今絕之矣秀才聞之淚  
下是丁酉年七月事

菊香墓

墓在孤山四賢祠左不知何許人獨碑上女郎菊香墓字隱隱可辨夕煙春草淒黯

移人馳黃屬賦

因題二十字

昨過西泠路蒼茫弔夕曛餘魂銷未盡重賦菊香墳

余於己卯五日汎舟西子湖尋菊香墓見碑上刻本  
司婢女菊香之墓字曾賦漁家傲一闋云艾虎釵符  
懸百結蘭橈重汎菖蒲節影漾湖心清又徹無休歇  
子規枝上聲聲血瘞玉埋香魂斷絕銀濤江上空嗚咽  
莫把靈均閒話說春纖指半彎遙渺沈檀屑

西湖竹枝詞爲阿應作

阿應的的斷人腸秋水爲眸霧剪裳花下閉門定何許  
陸祠西去岳墳旁

湖畔十三嬌女兒新聲還較囀鶯遲何當良夜隨儂去  
明月滿船歌竹枝

五憶詩

按此詩亦爲阿應作

願爲形影共徘徊少別心情已莫裁最憶湖樓憑暮雨斷  
橋煙暝小舟來

嚼花吹葉太憇生祗道狂奴獨有情最憶杯殘訴離怨酒  
痕和淚一襟明

湖心亭北指君家暗約迴橈訪若耶最憶酒闌風雨急親  
迎桃葉一舟斜

船頭明月坐深宵茉莉風涼碧漢遙最憶流輝照雙影沈  
郎清瘦謝嬌嬌

煙波客與散幽懷斜日荷香靜天涯最憶淹留迴夜舫流

螢飛墮玉兒釵

寶燈怨

爲李雲  
田作

門栽武昌柳槃膾武昌魚妾是武昌女只愛武昌居  
儂子勝阿侯儂心異桃葉郎若來相迎折卻筈與櫟

贈韓生

生善平話常供  
奉世祖皇帝

政平如水先皇日行樂時時觴戲傳江畔逢君訴遺事  
斷腸如遇李龜年

謔語縱橫許入詩舍人侍宴柏梁時武皇沒後天無笑說  
著宮車只淚垂

遺樂行太原王君席上作

王君豪舉多風格明月壺觴夜留客酒酣宛轉出歌人廣  
帕纏頭宮袖窄仙音法曲非人間按拍時時聞太息客疑  
太息應有因垂泣向客爲客陳早年芳齒當三五藩邸豪  
華競歌舞鶗絃不數段師彈清歌每逐花奴鼓紫雲異調  
少人聞來遲新破誰輕覩一從戎馬起秦川世事飄零劇  
可憐桃李久摧故宮路松柏并闕西陵田公孫弟子窮無  
倚趁食鬻歌老不死忽忽回頭二十年差垂白髮華筵裏  
當筵聞此爲撫膺白衣蒼狗信難憑坐客雖非沈家令斷

腸如遇鄭中丞

鄭中丞唐時官人流落者也

李念慈

毗陵人

與歌兒紅樹

碧葉著秋色天嬌若朝霞自貪紅樹好不復愛桃花

施閏章

尚白愚山宣城人

新嘉驛次會稽女子韻

環珮魂歸何處遊若耶溪畔路悠悠生前不作鴛鴦夢定

化孤鴻叫隴頭

山陰徐減伯調曰會稽女子題新嘉驛壁詩傳播久矣驛距兗州府四十里丁酉六月余道過之覓其題

字已漫漶不可識今年春暮愚山學憲乘傳止是驛  
特徵遺事有老驛卒出應云萬歷四十七年有某將  
軍過宿旦發甚早身實司供具收器物失一錫燈檠  
最後得之屋角牆陰石碣上則詩在焉蓋其女是夜  
秉以作書卽置其處而卒遂言其狀于人也卒秦姓  
名登科年已七十餘矣顧今尚在誦詩及序甚詳愚  
山旣爲文記之石并和其詩余亦有作云郵亭雨過  
緣苔生使者風流萬古情白髮五朝存驛卒紅顏雙  
淚濕燈檠燒殘銀燭心同死題罷新詩日漸明往事徘徊何限恨神宗時節本昇平

丁

彭

飛濤葦園

仁和人

葦園祠部盛名膾仕垂二十年中遭遷謫頽然自放  
己酉南還與僕相遇于任城酒樓典裘痛飲嘗著雜  
劇以自況故僕有東岡舊恨題華表南部新詞託管  
絃之句今錄其單辭隻字髣髴有旗亭歌唱之思  
嚴顥亭云祠部少時有白燕樓詩流傳吳下士女爭  
相採掇以書衫袖婺州吳賜如之器有句云恨無十

五雙鬟女教唱君家白  
燕樓爲一時傾倒如此

聽舊宮人彈箏

銀甲斜拋鴈柱飛玉熙宮裏尙依稀不須彈到回波曲說  
著先皇淚滿衣

徐乾學

原一健菴  
崑山人

贈歌者

柘枝舞罷憶家山落日長楸走馬還絲管春風急相待莫  
因霜色損紅顏

尤侗

展成悔菴  
長洲人

西堂雜組云戊戌十月王學士熙侍經筵次  
談光僧四壁皆畫西廂卻在臨去秋波悟禪公案學  
士隨以洞文對上覽竟親加批點稱才子者再因問洞出身  
履歷爲歎息久之仍命取全帙置案頭披閱他日又  
摘討蚤檄示學士曰此奇文也問有副本否答曰無  
遂命內府文書官購之坊間不得已亥三月洞適過  
都門使者跡至旅次攜一冊去裝潢進呈上大喜  
亡何有以洞所著讀離騷樂府獻者上益讀而善  
之令梨園子弟播之管絃爲宮中雅樂以爲清平調  
意氣殊壯旣落職家居益縱情聲伎磨韻調絃節謳  
皮曲所著樂府讀離騷外又有弔琵琶桃花源黑白  
衛李自登科記諸雜劇悲歌激楚不異玉茗主人青  
藤居士王阮亭寄詩云南苑西風御水流殿前無復  
按涼州飄零法曲人間遍誰付當年菊部頭讀之歎  
下泣也

春風舞歌弔何澹玉

予客江上交毘陵莊芑燕芑燕爲人豪蕩不羈  
工詩賦兼善扶鸞因爲予言乩仙何澹玉澹玉  
武陵妓才色雙麗年十八卒故有亡年纔十八  
死託杜鵑根之句又云酒香過一世花苑活三  
生其人放誕風流可見又一律忘其首句後云  
數曲琵琶絕妙詞看盡青衫惟有淚燒殘紅燭  
不成詩半簾梅影無君瘦千古情人是我癡可  
惜臨岐分付語至今湖水笑相思又有歌云春

風舞春風舞吳姬紫玉飛作煙越豔西施化爲  
土此首最佳而芭燕憶之不全惜哉芭燕嘗作  
別院書武陵何澹玉神主以炷香供之他日其  
紙爲旋風吹起繚繞爐煙之上視之有小影焉  
約掠湘鬟翻躡舞袖如片月離雲疑欲乘風飛  
去至今跡稍減猶髡鬢可圖也然澹玉竟以是  
日辭去嗟乎澹玉不幸芳年葬玉殘香剩墨散  
佚無傳幸而降乩芭燕家如洞口桃花片片流  
出又不幸而芭燕所記寥寥僅得此徑寸珊瑚

不無遺恨然又幸而予及見之爲玉臺新詠增  
一佳話不與斷欵蝕襖零落歸山丘也乃賦詩  
弔之卽以春風舞命篇

春風舞朝舞雲暮舞雨雲飛雨散風無處昔日錦屏人長  
短鴛鴦譜今日夜臺客冷暖胭脂土吳宮姬越溪女素衣  
如夢玉如煙千載重逢斷腸侶美人窈窕楊柳年趙瑟秦  
箏手解語枇杷花下醉紅裙燕子樓中歌白紵一朝深葬  
青楓根荒壠年年啼蜀宇誰知天下有情人離魂猶作芙蓉  
主鉢車游戲到人間張郎幸遇湘江杜黃子坡頭詩句

新白鶴飛來歸何許只今片影畫留仙舞袖弓腰削翠羽  
相思無路喚真真霧髻風鬟爲誰嫵君不見蘇娘家住錢塘  
滸犀簪唱徹黃金縷又不見青娘墓築孤山墅春衫血  
點紅顏薄風流宜與何娘伍三生一笑相爾汝他年載酒賦招魂舉杯澆遍西陵浦

訪馮靜容較書

曲巷低迷油壁車旁人爭指小憐家湘江香草傳青管巫峽行雲隱碧紗有意抱琴歌宛轉無緣滅燭醉天斜閒情久作沾泥絮又逐東風楊白花

留別靜容

無計消停青鉶車布帆容易便歸家紅紅歌串拋朱豆灼  
灼啼痕點絳紗南曲關心人去後西風回首鴈橫斜還期  
九月秋江上載酒扁舟看荻花

是處羅裙載滿車偏教倩女別無家族旗楚峽歸行雨簫  
鼓吳宮葬浣紗蘇小墓前雲半吐青姑祠下月橫斜紫荆  
紅蓼年年老爭似西園短命花

靜容江上名姬也意度瀟灑風韻不減徐娘嘗登場演劇一座傾靡有和悔菴詩云掃眉才子忽停車鸚鵡傳言到妾家三日名花留坐褥五雲彩筆照窗紗青衫肯惜紅顏薄翠袖容扶烏帽斜珍重春風數相

訪小庭新  
樹枇杷花

和花史詩

瑤宮花史傳云花史小名月兒明初山陽富家女也年十六獨在花下摘花爲一書生所調父母怒而謫之遂赴水死王母憐其幼敏錄爲散花仙史作詩云片片落英飛羽客翩翩獨向風前立緩行徐過小橋東只恐春衫香汗濕其標

韻如此

芙蓉城主金鎖客雲中飛舞風中立散花來到折花歸一

枝擎雨衣香濕

附湯傳檻卿謀和詩云花神聯隊迎佳客風幢不動  
雲幢立微吟吹墮口脂香散作江南紅雨濕卿謀蘇  
州人少年早夭有遺集湘中草傳世

戲贈花史侍女楚江

瑤宮別傳云楚江花史侍兒也與幼婢小紅皆  
端麗明慧日侍香案請于王母許于甲申二月  
降生趙地賜以玉璫一事翠鳳履一雙花史賦  
鵝鴨天詞送之云整束簪環下碧霄教人腸斷  
念奴嬌曲房空剩殘香粉獨對瀟湘憶翠翹尋  
別話酌清醪盈盈徐送小紅橋從今不伴煙霞  
客愛向風前鬪柳腰楚江和云朝滄風露暮陵  
霄不羨金闈盼阿嬌卻恨柳絲牽月線強移花  
色點雲翹情猶戀意如醪依依不舍舊藍  
橋東君可許歸曩伴暫向塵封學楚腰

烏髻青衣一小蠻  
个中佳話已相諳  
身爲花史司花女  
手撚花枝半帶愁

和涿州郵亭詩

涿州驛壁有詩云  
棄子拋夫咽北風  
馳驅心逐曉雲空  
此身一死非難事  
惟戀今生魂夢通  
丑冬日晉中薄命妾  
徐淑題予使車宿此  
讀之黯然漫和一絕

翠黛黃裙逐曉風  
汾陽回首鳳樓空  
只留蔡琰題詞在  
那得秦嘉音信通

甲申以後燕南趙北郵亭驛壁閒粉香狼籍王子  
自北歸宿任丘旅店中牆上有句云咫尺帝城愁更  
切入門何以御摧殘自題邢關女子趙氏其全首漫  
漶不可讀僕和云滿庭霜月浸關子腸斷題詩上玉  
鞍毳帳自隨沙草去蘭闌猶憶露桃寒只愁綠鬢顏  
須改無那青衫淚易乾多恐書生同薄命休將紅粉  
怨摧

殘

錢中譖

宮聲吳縣人

和驛中女子趙雪華

趙雪華吳中羈婦有題壁詩  
云不畫雙娥向碧紗誰從馬

上撥琵琶離亭空有歸鄉夢驚破啼聲是  
夜笳一時和者甚衆見來元成南行載筆

憔悴征塵去畫樓平沙萬里赴邊州可憐青塚千行淚併

作黃河一夜流

錢陸燦

湘靈吳人

秦淮竹枝詞

滿城秋意桂花開賣遍河房不用栽五百舍人今不見揀

花打餅阿誰來

前朝桂花開時有

揀花舍人五百名

徐夜

東癡新

城人

漁洋山人曰東癡爲王考功季木先生外孫風期蕭  
遠如魏晉間人爲文章超超元箸書法逼虞永興早  
棄諸生隱居蓬艾間屢空晏如獨與王西樵阮亭倡  
和阮亭常有詩贈之云湘東品藻留金管江左風流  
續玉

臺

春情贈人

青入紅娛深復深非關社日亦停鍼明朝撲蝶南園會預辦釵頭鬪草金

一代才華怨落花西清園內賦新茶年年指點風流業猶自垂楊綰暮鴉

董俞

着水華  
亭人

汪鈍翁說鈴曰雲閒董二孝廉俞最善賦學如鏡賦鷺賦採桑賦皆輕婉流麗可與吳兵曹綺頌頑董又有送客入都詩云蕭條易水逝驅馬向空臺岸柳春前放江鴻雪後來語極澹雅有自然之致  
父曰蒼水與閻石讀書崑山詞藻翩然竝擅機雲之目晚尤縱情聲伎辛亥僕客茸城二董招妓謙集僕有紅牙嘗獨按玉版喜同參之句蓋贈閻石也

子言  
二  
秣陵女兒行

秣陵鳥啼春月夜櫻桃新種碧窗下青樓女兒羅敷年十六  
香坐撥鶯鴦絃金鋪半掩飛花入嬌鬟鬟當風立須臾  
皓魄映羅帷女伴藏鉤笑語微樽前寶髻茱萸點燈下榴  
裙蝶飛沈沈子夜金鑪煖玉壺酒瀉蘭膏短白苧空憐  
舞袖長紅牙醉度歌聲緩繡轂朝遊安石墩畫船春泛莫  
愁村相如多病稱才子每到簾前欲斷魂

程康莊

坦如昆崙  
武鄉人

崑崙以古文名家屏落鉛粉嘗一夜和阮亭青溪遺事詞鶯嘴啄紅燕尾點綠竟堪與秦七黃九爭長于

鉤簾借月染雲爲幌聞見者無不驚詫始知才人固未可量

峪園贈妓

飲朱太史峪園有妓某姬者歌以消觴酒闌邀至其舍醉後題贈

濯濯青娥倚畫樓朱絃度曲不知愁若非太史虹橋度錯認仙人在上頭

張養重

虞山陽人

歌妓芳塵持錦牋索題

白頭原是畫眉郎潦倒欣逢黃四娘手執鸞箋行索句一

時名動善和坊

采蓮曲戲芳塵擲蓮子

紅衣初散碧湖煙  
花底鴛鴦學晚眠  
手擲青蓮如彈子  
只愁誤打別人船

俞南史

無殊鹿牀

香奩社集分詠諸姬

吳姬舊有甲乙譜  
無錫錢星客復修之  
珠簾畫舫粉香載道  
一時諸名士各賦詩題贈名香奩  
社集詩茂苑朱隗雲子曰玉輕欽豔乍參差密  
坐閑寒卜夜期錦障班頭推火鳳梨園色長有  
蠻兒螺髻傳令沾衣酒貌帶求書卽席詞欲作  
華芳生面譜應看蓮本出青泥正詠其事也

晚寒強病出來遲微笑燈前影半欹祇爲愁多長獨坐翻嫌情重易相思瓊花不是人閒種桃葉還從江上期若有好花兼好月攜來酒畔總相宜

沙才

瓜時初過正嬌嬈煙葉雙劄不待描濃睡未醒鸚鵡喚曉妝難竟晝船邀清歌疑傍爐煙散豔影愁隨蠟淚消一笑樽前似曾識朝來莫共楚雲飄

郎玄

日晚煙香護紫冥迢迢忽覩下雲輶逢人每見敲棋局佞佛長思誦梵經醉裏歌聲憑扇煖座閒眉色映人青酒闌黯黯消魂處明月臨空白滿汀

梁昭

朝來曾不負芳辰。晚坐花閒送月輪。和曲自同王大令學書。曾仿衛夫人。每從南浦捐瑤珮。長向西窗醉錦茵。家在虎丘山畔住。真嬢或恐是前身。十賽

月下亭亭影不移。整釵微動小相思。眼澄秋水光初剪。身倚名花艷獨披。若對青鸞期莫失。倘逢紅鳳會休遲。雙成欲見無消息。還向君家寄怨詞。董曉

鳳影鸞音盡燭前。紅衫紫帶使人憐。蘭香宜出風塵表。絳樹還來歌舞筵。纏綿新塗光正媚。翠鈿初貼態逾妍。金荃好句偏成誦。細寫菖蒲小樣牋。蔣慶

定定詞

定定余友顧子家婢也初雖以色見寵仍令他適後乃遇于東城外顧睭嗚咽不忘舊情曾爲余道其事余恨顧不能如阮仲容之追鮮卑婢而傷定定還如謝芳姿之愛王家郎因作此貽顧庶使定定終爲所有矣

蘭房春暖調鸚鵡簾外百花香映戶此時最易動閒情花面了鬟當十五青綾衫袖藕絲裳曉傍妝臺梳掠忙愛向春園隨鬪草戲臨芳月捉迷藏長倚春風呈婀娜滿頭喜

插新花染見人含笑更含羞秋眸斜睇香肩蟬主人驕養  
正相依暮雨朝雲總不辭年紀破瓜劉碧玉風情題扇謝  
芳姿誰知一旦中生變嫁與里人稀見面驀然相見淚還  
垂猶憶殷勤舊歡宴其時有客最情癡說與偏令怨別離  
曾覩嬌嬈還在眼爲君擬作比紅詩

雷班元方笏山井研人

汾陽別妓

汾州妓張慧玉年十五色藝雙絕工小詩巧伺人意與笏山定情臨別出紅納

牛縷賦詩相贈所書小楷學衛

夫人亦成都薛濤較書之流也

一從塵外問春光頓減羈懷老更狂靜苑鳥聲慚白雪流

杯鑑影出紅妝尙含暮雨花容潤欲綰浮雲柳帶長愁覘  
嶺南明日路遊蜂紛逐馬蹄香

梅子魁

不次宣城人

賦得願作鴛鴦不羨仙贈仙卿女史和程蕉鹿諸

公韻

願作鴛鴦不羨仙筵開秋近草堂邊杯傾若下全分月柳  
繫草臺不耐煙燕子樓中吹玉笛晚妝亭下落金蓮多情  
常在舍愁處分得餘香夕炤前

錢霍

去病陰人山

櫻桃歌范馭遠席上贈歌者孟紉蘭時馭遠將之北平

范生留醉吳門豪白玉盤薦紅櫻桃狂客一生歌白苧鄰女深更放剪刀歌聲風裏飛如雪花落燈前細似毛歌聲流轉催花落鸚鵡杯行烏夜號驚君忽作幽燕客江路春寒將贈袍聞道幽燕近朔方招賢昔有燕昭王祇今駿骨無人買莫向金臺騁驃驃君行留不住夜宿投何處張徽一曲送春風玉顏雙映櫻桃紅迴身幾轉就郎抱青娥思殺白頭翁亂揮血淚唯錢霍紛紛盡作櫻桃落

徐倬

方虎德清人

夏日集雪客寓齋聽侍史等郎度曲

秦川公子舊珠袍漫向靈均學楚騷江上青楓聽不得當筵且索鄭櫻桃

輕馱細馬致箏郎樹裏聞歌客斷腸不是東君親囑付人閒那得有清商

瘦腰十五正盈盈就裏清臚轉盼明一曲山香花未落客懷強半付銀筝

吳毓珍伯英新安人奉天籍甲午鄉薦乙未會副歷任按察司

竹西謙集贈歌者

隋堤秋柳影垂絲殘照還同白下時忽聽霓裳歌一曲沈郎應減舊腰肢

含情含笑總凝眸猶憶侯家舊主謳偏愛阿濃調笑巧黃金不惜爲纏頭

友人納姬和韻

吳姬年十五惆悵落花天別有銷魂處愁心入管絃

南市樓

環居皆青樓事見蓉塘詩話

狹邪門徑轉如環日日青樓賣笑閒漫啟新聲歌白雪誰憐薄命是紅顏

陸 菜

義山平湖人

贈女史文英

琉璃硯匣鎮隨身芍藥吟成象管新休擬行雲近巫峽玉  
峰十二自嶙峋

沈 章

宗玉嘉興人有苧莊集

有贈

名下無雙鏡裏雙雲光微露薄紗窗漢宮春曉三千隊數  
到圖終未肯降

本事詩後集卷九終

本事詩後集目錄

卷十

王士禛

汪琬

鄭祇謨

陳玉璉

陳廷敬

董以寧

徐緘

吳懋謙

附宋蕙湘

顧景星

孫陽

毛先舒

吳綺

徐嘉炎

顧樵

本事詩卷十

後集

吳江徐 銑電發編輯

邵武徐 蘅小勿校刊

王士禛

貽上阮亭

新城人

西樵司勳曰貽上蚤負夙慧神姿清徹如瓊林玉樹  
朗然照人弱冠登進士爲揚州法曹日集諸名士于蜀岡紅橋閒擊鉢賦詩香清茶熟絹素橫飛故陽羨陳維崧其年有兩行小史艷神仙爭寫君侯斷腸句之詠至今過廣陵者道其遺事彷彿歐蘇不徒憶樊川之夢也宗元鼎定九贈阮亭詩云休從白傅歌楊柳莫向劉郎演竹枝五日東風十日雨江樓齊唱冶春詞又云淮南風景幾人知好是清明細雨時酒冷狂他日想王維

本草誌  
秦淮雜詩

青溪佳麗白下治遊空存小姑之祠無復聖郎  
之曲渡名桃葉懷王令之風流湖近莫愁憶盧  
家之舊事高臥邀笛之步偶成擊鉢之吟調類  
清商語多雜興以所居在秦淮之側故所詠皆  
秦淮之事云爾

潮落秦淮春復秋莫愁好作石城遊年來愁與春潮滿不  
信湖名尙莫愁

新歌細字寫冰紈小部君王帶笑看千載秦淮鳴咽水不

應仍恨孔都官

弘光時阮司馬以吳綾作  
朱絲闌書燕子箋進宮中

舊院風流數頓楊梨園逞事淚霑裳樽前白髮譚天寶零

落人閒脫十娘

傅壽清歌沙嫩簫紅牙紫玉夜相邀而今明月空如水不

見清溪長板橋

傅壽字靈修舊院妓能絃索喜登場演劇  
沙名宛在字嫩兒桃葉女郎有蝶香集

新月高高夜漏分棗花簾子水沈薰石橋巷口諸年少解

唱當年白練裙

白練裙劇萬歷中休寧吳非熊  
新城鄭應尼嘲馬湘蘭作也

緩鬢愁妝別樣新文殊眉映午痕勾洛成不用輕梳掠自

有文犀號辟塵

舊院盛時競  
尚密犀簪

北里新詞那易聞欲乘秋水問湘君傳來好句紅鸚鵡今日青谿有范雲雲字雙玉有紅鸚鵡詩甚佳

十里清淮水蔚藍板橋斜日柳窈窕樓鴉流水空蕭瑟不見題詩紀阿男映淮字阿男詩人紀映鍾妹也

題余氏女子繡洛神圖余字韞珠工宋繡常作須菩提維摩詰像不減吳道子畫筆今之神針也

明珠翠羽魏宮妝洛水微波渺正長欲寫陳王舊時恨睡絨兼倣十三行

楊村舟中戲有投贈

河口花明錦纜春研繚綾子領邊巾不知何事牽儂意欲  
疊紅箋賦洛神

明珠曲呈李司寇

促疊蠻鼈漏滴壺紅靴十隊舞瓏瑜狂夫閱盡南朝艱不  
抵西樓一斛珠

留別

斗帳香寒歇舊薰人閒無路識行雲江南红豆相思苦歲  
歲花開一憶君

觀黃皆令吳巖子十篆生書扇各題一詩

歸來堂裏罷愁妝離隱歌成淚數行才調祇應同衛鑠風  
流底許嫁文鶯蕭蘭宮掖裁新賦香茗飄零失舊章今日  
貞元搖落客不將巧語憶秋娘

皆令○有離隱詩

按皆令離隱詩序云予產自清門歸于素士兄姊媛  
貞雅好文墨自幼慕之乙酉逢亂轉徙吳閬羈遲白  
下後入金沙閉跡牆東雖衣食取資于翰墨而聲影  
未出乎衡門古有朝隱市隱漁隱樵隱予殆以離索  
之懷成其肥遁之志焉  
爰作長歌題曰離隱云

紈扇凝香小字斜併同金枕寄秦嘉景陽宮畔文君井明  
聖湖頭道韞家繡閣新詞名漱玉朱絃妙格字簪花煙波  
風雨錢塘路望斷西陵油壁車

巖子○詩用雨絲風片煙波畫船八字爲韻巖子

名山太平人縣丞卞琳配詩文甚富  
兼工書法女夢珏字立文亦能詩

雙峰南北盡紅蕖畫靜瓊闈敞碧虛鸚鵡雕籠初教賦櫻桃  
小閣獨攤書名篇綺密知難竝諸妹天人總未如若許  
他年尋白社丹青簾外藕花居篆生○扇有白社丹青之句詩品云蘭英綺密甚有名篇又劉孝綽諸妹有天人之目

有官長安者徐東癡屬爲訪霍小玉舊居戲調之  
十二城門空夕陽霍王舊事斷人腸憑君蔓草尋香跡應  
有人閒勝業坊

三尺烏絲事已空舊家門外野棠紅浣紗桂子皆零落西

市無人問玉工

寄嚴州

秋水初波枕畔流  
欲將情思寄嚴州  
京江斷鴈隨人遠  
杜曲濃花入夢愁  
夜雨迴眸留傅粉  
清晨中酒看梳頭  
富春此去千餘里  
何處天邊風露樓

靈籬便面

朱竹屏山掩折枝  
春鶯百囀記人時  
當時若與寧王去  
未必心情似餅師

悼茂郎

赤霞趙太守家歌兒

自悔狂奴到較遲若爲相見已相思何緣檀板金尊裏唱  
我黃河遠上詞

粉帛衣香各自矜風流那復減安陵遙憐白綺清歌夜消  
得吳江幾束綾

題吳藥仙畫

藥仙名琪吳縣人能詩有香谷焚餘草

曉畫文殊淺樣眉幾丸螺墨碧參差儂今自作簪花格不  
是當年衛茂漪

昭陽舟中讀閨秀徐幼芬遺詩

昭陽北望景依依江柳微黃鶯鴈飛空憶謝家才調美青

絲曾解小郎闌

鮑家作賦傳香茗秦氏題書寄素琴  
斷粉零膏數行墨青蓮作舌楚蘭心

自來學得謝公碩博士風流幼婦詞未免有情看不得橋

南荀令斷腸詩

幼  
莽七歲能與父奕

汪鈍翁改官後別納小姬戲爲花燭詞三首

花間靈鵲報新除才子今年典石渠未必風流輸小宋兩行紅燭照修書

碧玉迴身奈此宵汝南鶴喚夜迢迢從今倦聽蘭臺鼓莫

更熏衣事早朝

羸女吹簫引鳳雛莫將縑素怨狂夫似聞一語分明寄我  
見猶憐況老奴

汪琬著文鈍翁長洲人

鈍翁過揚州曾于阮亭座上賦雜詩云珠郎歌罷璧  
郎歌夜半春情盡綺羅欲向畫船熏繡被教人無奈  
使君何其風致不減樊川也又嘗爲蘇臺楊柳枝詞  
一時和者甚衆阮亭題絕句二首於後云白家半格  
詩曾見愛說蘇州柳最多今日鈍翁吟卷裏雨條風  
絮奈君何鴈齒紅橋鴨嘴船麌塵風起豔陽天明湖  
憶得吟秋柳慘綠當年最少年

贈南員外家歌兒員外渭南人

聞道秦箏最有名秦兒玉雪可憐生自從偷得江南曲不愛伊涼隊裏聲

洞簫一曲共關情白髮吳儂感慨生記得虎丘明月夜劍池側畔按歌聲

鄒祇謨

許士程村  
武進人

程村與陳維崧其年黃永雲孫董以寧文友齊名稱  
毘陵四子王阮亭歲暮懷人絕句云籍籍蘭陵四才  
子陳黃鄒董各名家難忘雪夜吳兒曲簫角寒梅正作花

金屋歌

婦人集曰金屋恭順侯吳維華姬人父筆工也才色殊麗幼穎悟讀書強記侯寵之

專房一日偶有他事失候意銅別室中姬乃以小赫蹠作書敘其平楚中有長生殿卷中人語

侯見之不解所出典籤某曰此玉環崔徽二  
故實也侯大喜卽日迎歸邸第寵愛如初

長安軒車如水流紫髯玉面青鼯裘將軍世本休屠裔公  
子家原湜野侯子侯年少善輕薄蹴踘擣蒲工六博倡家  
調笑遇胡姬徘徊便訂三生約黃巾塵起暗山河絳灌平  
津厄網羅四姓兒郎亡鐵券五侯子弟隸雕戈北兵十萬  
除餘賊黑山掃盡盧龍側特進重修降表名儀同再拜歸  
朝職朱提用盡自相矜牙璋新刻大中丞鼓刀俠少充驍  
騎射鳥期門獻角鷹八騶前捧交龍敕萬戶侯兼二千石  
瓠子河邊治舳艤桃花扇底籌巾幘幕客言能賦美人苧

蘿夷光洛浦甄美人家住長千里一笑能生滿座春憶昔  
美人年十五嬌嬈嫁作尋常婦阿父青溪賣筆工冶郎畫  
舸明珠賈纖眸善脉衣青綃猜妬當年殺緣翹十離已作  
金籠恨一去應從絳葉飄伯勞西飛時未久門前野鳥啼  
烏桕玫瑰樹下更吹簫芍藥花前重進酒何來綺戶遍相  
尋手持開府千黃金四角茱萸催寶帳雙環玳瑁共華簪  
木蘭舟輕過邢水犢車晚到轅門啟一聲碧樹汝南雞歡  
愛白頭從此起中丞獬豸何揚揚渾銀半脫坐胡牀青牛  
帳下三千客白玉堂前十二行美人上堂方目攝意氣驕

慵殊不屑自云素綆宦從碧瑩亡青衫不作琵琶妾中丞  
輾轉惜傾城兒女情多慮損名一乘瓊車歸故里龍諾蠻  
珠憶定情報命赫蹏箋半幅青絲七尺纏綿縛玉環丰態  
崔徽畫誰料百年徒一宿翩翩書記何長瑜爲言三郎風  
流天下無太真妃子再宣召麗情更有崔嬢圖中丞聞言  
慘不樂紫駝酥傾銀鑿落夜半私馳果下駒人生但跨揚  
州鶴茫茫瓜步大江邊蘆中喚起掘頭船漁父掉頭佯不  
應爾不聞淮南令公尊如天中丞躑躅長千里願得美人  
顏色喜錦天花地固無雙立鬢朱顏安足齒美人褰簾始

一看寸心不足奉君歡君自狹邪諧彩燕妾從羅綺失青  
鸞中丞膝席前再拜息壤區區難狡猶新人翠羽綴芙蓉  
舊人紅袖成蕙蘿熊幡展處幕府開凝笳疊鼓何喧逐二  
十四支籠畫戟十里香塵迎夜來蘭膏麝火銀河綠錦衣  
鵝尾車前簇千門萬戶矚香輿瑤臺築就藏金屋卽姬名搔  
頭半墜鬢飛鴉便面微遮色似花清晨宛轉金平脫太真外傳  
嘗遺祿山金平脫裝具薄暮溫涼玉辟邪長河待檄餘皇舸深閨正  
閉葳蕤鎖漏盡猶嫌桂炷銷妝成只向菱波坐卻自中丞  
愛寵移越女燕姬盡怨咨金井轆轤捐碧玉孟青鞭朴殺

紅兒雀尾團花妝健婢中丞匍伏前長跪須教受杖學東昏  
何煩更設宮中市此時自謂百不憂此時自謂長無愁  
暝暝持來琥珀枕遙遙垂得珊瑚鉤誰知詔書一旦下削  
官不得歸田野回黃轉紫失榮華窄袖短衣驅匹馬美人  
紅顏倏忽徂黃土來親白玉膚使君自有燕臺婦賤妾寧  
思建業夫君不見黃腸掩側哀秘器朱軒零落對獄吏公  
侯將相如飛塵長向秋風揮涕淚

陳玉璣廣明椒峰

小虎詞

小虎者里中顧秀才女也秀才落拓不顧家流寓他所小虎年十二被賣於季刑部家作婢刑部未知所由來以從嫁董文友後祠部巢君悉其事於董遂擇嫁於王秀才董母吳夫人親爲笄髻行禮送之恐人以婢子故輕之也無何王秀才死轉爲村人婦自悼命薄時時念主人恩曰不如長作董家婢文友爲余言之因傷其遇憐其情作小虎詞

昨夜月明今夜雨墻前總聽寒蛩語每愁飄泊念生平小

虎今年已如許董生當日射屏風百兩來時小虎從絲髮  
剪齊初覆額人言初日照芙蓉潔豆盥來常掬月衣香薰  
就不當風澁澁羞隨諸女伴避人常倚朱欄畔阮咸那得  
求人種王珉未敢投團扇每見厨娘竊竊言小虎含愁復  
含怨含怨含愁間不言只言弱病常多倦嬌小偏令主母  
憐不教辛苦五流連一日董生曾召客祠部巢君起膝席  
爲言小虎本名家老夫亦有葭莩戚董生聽罷忽傷神爲  
惜飛花最感人辭卻故枝成片片枉飄溷廁任風塵方知  
小虎年來意含怨含愁自有因吁嗟因向高堂說小虎聞

知背人立喚來燈下頻致詞目光瑩瑩衣袖濕自言小虎  
本名家與巢果有葭莩戚阿父支離不顧家阿母艱難愁  
度日晨昏針線每相依乞火鄰家數米粒相依誰道更相  
捐白髮未生中道失有兄落拓爨無煙來往撦捕惡少年  
一朝負博十萬錢將儂插賣誠可憐訴罷舉家紛欲泣尤  
教董母填胸臆便呼令子問良媒孝廉劉生爲作合云有  
王生二十餘生長名家頗讀書若教學案應相得卽望泥  
金定不虛從此銅輿花下送鄭重相看初跨鳳董母呼來  
爲上頭承恩覺得簪笄重此去相期守白頭此行但願長

無愁誰道王生亦薄命新得佳人身便隕春采蘼蕪秋采  
蒲小虎淒涼哭故夫縫成羅襪無由寄撫罷鬢膠恨已孤  
金石心堅一旦誤去帷新寡空思故自傷漂泊每聲吞夢  
中偏憶舊朱門燕謝雕梁巢野樹呢喃猶說主人恩誰何  
昨日負薪至小虎傳言愧無地薄命休憐賤妾身深期卻  
負夫人意不如作婢侍華堂敝履猶存倘無棄小虎小虎  
爾何知爾今失計悔已遲莫恨才人嫁廝養莫羨文姬歸  
董祀晉后猶稱劉曜夫魏妃乃作孫騰伎爾今嫁作傭保  
妻猶然末路糟糠計紅顏枉自傷青春人生有命莫含顰

古來英雄當日暮飄零失路難具陳李陵去漢嗟奄忽王  
粲依劉殊苦辛潦倒才人如未死此身知道屬何人

陳廷敬

說嚴澤州人

聞笛

一片長安秋月明誰吹玉笛夜多情關山萬里無消息腸  
斷風前入破聲

董以寧

文友武進人

文友詩詞穠纖婉麗嘗著珊瑚怨題詞云杜牧尋春  
較晚惆悵芳時蘇嬾聘月來遲蕭條清夢又云月如  
無恨似合長圓花到方開那  
禁輕折語語皆堪腸斷也

卞立文過毘陵寓吳氏水閣因次梅村韻

畫堂燕子正初離  
荔子紅衫映雪膚  
細語淺斟銀鑿落  
涼閒賭玉擣蒲闌  
中筆陣留書札鏡裏  
眉峰是畫圖縱有  
笙簧聽不得青溪愁絕  
蔣家姑

碧玉歌

紀錫山近事也

誰家少女擅妖嬈  
舊住銀塘紅板橋  
院內櫻桃垂綺戶  
堤邊楊柳繫輕舠  
家風最倚中郎重  
門戶堪從絡秀驕  
憶昔生年十四五  
廣額豐頤好睂嫵  
牡丹新髻八盤迴  
蓮瓣纖鞋三寸楚  
輕如驚燕度花飛  
豔如彩鳳當風舞  
早知炊飯

進劉晨詎便聞香防賈午可憐白皙他家郎父在金門母  
在堂娶妻更得劉碧玉花花葉葉自相當不道七丸乘醉  
進玉樹飄風委北邙豆蔻遺胎嫌太早鴛鴦舊夢本難忘  
熏籠依舊葡萄被蕤枕猶然玳瑁牀自寫祭夫篇尙在雞  
聲便逐汝南王奔來不隔文君肆窺去原無宋玉牆階前  
董偃嬌能拜花底秦宮醉更狂妝成每過瑤光寺繡罷常  
攜濯錦坊握索時時寬袒祫步虛夜夜捉迷藏消魂更有  
留人處冠玉人來夜深語帳外流蘇響一聲低畔就把千  
金許鴨爐香篆曉氤氳抱日嬌郎癡若雲行踪便了僅常

見信誓芳姿嬾暗聞漫道小郎囁新婦寧知新婦配參軍  
一朝鸚鵡叨叨說射鳥兒來空立雪生恐桃花結子貪歸  
寧索向姑嫜別腰肢約束帶頻收翻悔當初采石榴入門  
見母牽衣泣願母同登雲母舟水上洛神縹渺去感甄先  
自淚長流藍橋卻遇他鄉客正是安仁悼亡日手致區區  
八餅金偏喜佳人能再得猗嗟往事不堪思從此心堅尙  
未遲回啼欲問新人笑倘憶當年初嫁時

徐緘

伯調會稽人

客有述秦淮女子宋蕙湘題壁詩感而有作

何處黃金北斗傍胡笳拍拍斷人腸若無海水添成淚莫  
話尊前宋蕙湘

附宋蕙湘鄴城題壁詩

風動江空羯鼓催降旗飄颻鳳城開將軍戰死君王繫  
薄命紅顏馬上來

按蕙湘題壁在衛輝旅店中長洲尤侗悔菴和云管  
絃未散鼓鼙催金粉飄零寶鏡開好似明妃出塞去  
幾時桃葉渡江來又云青樓夢斷杳如煙懊惱郵  
亭一夜眠回首長千天外隔洛陽別有斷腸天

送黃皆令同外渡錢塘

沙頭挈玉瓶揮手共飄零潮落江心狹雲歸天目青樓船

龍子國詞賦女人星底事陶彭澤饑驅不暫停

贈閨秀王玉映

蕭山毛子曰玉映爲季重先生之女嗣本中郎  
家餘鮑照紅臉未斷還傳頌而之辭綠篋堪留  
寶儲傷心之句又題玉映詩緯調玉樓春云吳  
山曉閣妝螺子山水倒開蠻鏡裏筆牀寒寫竹  
衣紅書帶緩垂藤菜紫機頭小鑷穿花綺纂就  
散絲盈絡緯秋波千頃照芙蓉無數綵霞江畔  
起按玉映名端淑所著有紅吟集故陳玉璗詩  
云客舍無端喚鷗鵠聖湖風物杳難圖他時欲  
覓吟紅處梔子  
枇杷伴碧梧

多病復他鄉鉛華減昔妝枕函紅淚滿裙帶細腰長夢秤  
才無敵傾城瘦不妨從來謝道韞天壤恨難忘

吳懋謙六益華

亭人

豔曲贈蕭姬

春搖晴色樹交花環珮垂垂映水涯杜曲梨香嬌白雪武  
陵桃暖泛紅霞簫沈殘恨青樓上琴咽新愁碧玉家寄得  
羅巾曾到否重門深鑠月光斜

顧景星

黃公赤方  
蘄春人

楚宮老妓行

南京樂籍藍七娘善鞞韻  
蹴鞠入楚宮亂後爲尼

白頭緇衲誰家嫗身似虛舟眼如霧自言十五學新聲名  
在宜春內人部初隨阿母長千里轉入金沙洲裏住門前

車馬隘遙闊席上纏頭不知數章華驕貴世應稀徵歌度  
曲辨音徽龍樓讌月香成陣鳳扇障風肉作圍曾逐行宮  
同象輶不嫌花底奪鸞篦鴛鴦瓦暗流螢度翡翠簾深絡  
緯啼年年恩例官餉後善和門外饒花柳東肆郭郎西肆  
歌社北厨娘社南酒半仙小女鬪腰支齊雲兒郎好身手  
王舍空門乍改移平臺戚里今何有乍來豈識婆羅門夢  
中只記君王后初時夏臘尙紅顏幾度春秋成老醜君不  
見古來禕翟椒房尊幾多失勢爲桑門柔福當年死沙漠  
妖尼詐作平王孫家亡國破有如此媼乎媼乎何足論莫

到玉鉤斜下路天陰新鬼哭黃昏

閻梅村王郎曲雜書絕句志感

崑山腔管三絃鼓誰唱新翻赤鳳兒說著蘇州王紫稼教  
坊紅粉淚偷垂王郎爲江南御史杖殺

廣柳紛紛去盛京一聲嗚咽倍傷情行人怕聽陽關曲先

拍冰鞍上馬行

郎送出塞諸君歌甫發聲衆不忍聽爭上馬而去

永豐坊內綠楊枝曾弄春風上玉墀舊日承恩成底事江南  
幾度落花時郎嘗言在江南時從太監韓贊周以一曲供奉

日永吳趨囁乳鶯翠釵嬌困不勝情尋常賓客誰驚座不

是王郎卽柳生

敬亭柳老義俠士也善平話

柳生凍餓王郎死話到勾闈亦愴情好把琵琶付盲婦裏

頭彈說舊西京

西京舊日知名者籍隸中山供奉臣一自龜年零落後岐

王第宅屬何人

李小大善歌

夢到江南勝返魂紫駝人去塞垣昏金陵盛日猶堪訪風

雪初歸寇白門

白門名媚後北去得放歸

玉笙正要松風奏垂老關情到此曹不爲管絃頭白後祇

難重聽鬱輪袍

十錯新聲解得無傳從皖水到留都後來事事都成錯錯

認當年阮佃夫

梅村集中稱阮佃夫指阮尚書大誠也

永和宮怨錫陽行手語矜能卞玉京勸君莫羨元和妓不是元和腸斷聲

高霞寓聘妓妓曰我誦得白學士長恨歌何薄我爲

妖妃蠻后儼非倫說到冬青更失眞欲識永和宮內事他

年間取塚中人

曹魏時有人伐周王冢得殉女子郭太后養之十餘年太后崩此女哀思而死宋都

臨安時宮中有一晉宮人亦從冢中出者能道晉宮事

酒闌人散月當中徙倚花陰喚小叢莫譜琵琶對明月月明曾照舊西宮

憶戊子夏客廣陵遇田九自云故貴妃異母季弟  
也潛述其事恨流傳失實追賦此篇

梅村又有田家鐵獅

歌

內府玉盤紅一尺昨日宮奴偶攜出至尊乍索阿監驚白  
靴不待東方明

帝德之嚴可知矣西司房緝捕皆著白靴

御街初屏金蓮炷線

香引過西清路鋪宮恩例本尋常萬壽金錢雜銀豆內家

漸作兩般妝姑蘇梳掠遜維揚祇爲奇香進鈎弋何曾紩

扇怨昭陽端門北望乾清遠永和月落鷄鳴短未聞樊嫵

使兩宮不比班姬召同輦漏水丁東十五聲銅籤擲響正

三更朱鳥牕前誰竊聽自鳴枕上至尊驚

宮中微聲起于  
宮人自鳴枕大

西洋君王盛德無瑕疵母后推恩保終始外人誤指武安

驕椒殿還憐貴妃死珠襦冷落出昌平忍料龍輶早晚行

商賈釀錢開隧道行人麥飯上清明

貴妃初葬昌平甲申  
四月初一日李賊令

三十六人奉崇禎梓宮十六人奉周皇后  
梓宮竝厝妃墓所義民歛錢三萬開隧道萬事消沈有如

此綺語何緣涴青史田家鐵獅真足悲誰氏銅駝沒荆杞

江東太尉說興亡長慶詞臣數上皇難起荒墳舊宮婢須

存故國老中郎貴妃季弟流離苦曾抱琵琶向子鼓一彈

別鵠低翠眉再鼓哀蟬淚如雨秋草斜陽恨未消諸陵宰

木總蕭條誰唱永和宮裏曲夜深紅鬼訴蓬蒿

無題

江都某氏女有國色爲高興平營將所得復流轉入北其主從軍留姬江左以禮自閑而

悲怨時時見于吟咏有死媿鴛鴦  
塚生非燕子樓之句亦可悲矣

驅馬曼胡久未歸雕牀黼帳出應稀池邊楊柳春陰合樓上簾櫳乳燕飛弱鬢罷梳鄉俗改蘿蕪欲采故人非江陽姊妹今猶在一面菱花淚染衣

孫

暘

赤崖常熟人

贈紅蘭

并序

偶遊天津與紅蘭遇蘭能詩善調笑本浙東名

家女余歸江南紅蘭贈詩云情淚好隨潮水去  
送君雙槳到姑蘇余有留別數首僅憶其一

天津橋北酒家胡白板扉迎丁字沽近水桃花開竝檻隔  
簾人影坐當壚留髡醉月歌楊柳送客乘潮唱鷓鴣珍重  
旗亭尋後約紅巾小字淚模糊

毛先舒

馳黃一名  
驥錢塘人

題俞瓊英遺集

宋玉多愁客江淹本恨人如何誦遺稿霜鬢又添新

斷河夢引爲陸娘作

吳峰天淡吳雲碧百子燈紅照離席天河夜落織女星靈  
鵲橋西化爲石青松藹藹月皎皎一聲鶴喚春煙曉流蘇  
四幄不飛塵宰地金泥藍鳳小錫車憶昔出瑤池曳雲裏  
雨何參差離腸一奏斷河引酒樽茶椀俱含悲斷河河水  
流香絮彈鶯偏著花濃處銀漏丁東隔夾城江門月上催  
船去

李娃歌

銀河月淡流濃雲天門紈紈清漏聞酒闌比翫各覓羣伊  
嚶嬌女昵不分鑪中沈水高一丈獮獸吐焰香氤氳李娃

十三擅樂方垂髻鬢鬟覆額長玉刻雲翹九龍子繡帖羅  
裙雙鳳凰秀眉單眼自塵外皎若青天曳紅旆地衣不綉  
平步過直下何曾動裙帶文螺作杯光陸離注酒酌我我  
豈解東方忽高須知之當筵不醉非男兒

贈王采生詩四首并序

蓋聞柴桑高韻非無西軒之曲楚士貞心亦有  
東鄰之賦雖託興于豔歌實權輿于大雅者也  
同郡范子天情高逸風調雋朗埋照濁世混跡  
撫塵莫愁湖畔屢變新聲阮籍壚頭何疑沈醉

爾乃偶然命屐暫爾逢僊地多松柏上賓邀除  
徑之歡門掩枇杷才子乃掃門之客其人也產  
自鶴沙僑居鳳麓收束近禁中之態散朗饒林  
下之風若乃妙能促柱雅工垂手丹唇乍啟毫  
髮崩雲響屢初來曜瑜如水感此傾城之好遂  
叶同聲之歌白門柳下夜夜藏烏油壁車邊朝  
朝騎馬是以紅牋十丈寫幽豔以難窮白紵千  
絲繁繁愁而欲斷茂矣美矣婉兮變兮南方故  
多佳人而西陵洵稱良會者也于是傳諸好事

遞換新篇既美一縉之聯文且驚諸體之競爽  
昔者囉噴曲好鏡湖開色善和筆妙雪嶺更題  
總標美于青樓均流音于斑管以茲方昔將無  
過之僕憂病無方風流殆盡聊宣短敘并製韻  
文悔其少作敢借口於揚雲輒冠羣賢終汗顏  
于李白云爾

昨日非今日新年是舊年迷人春半草相望隔江煙  
鴨臥香爐煖蜂憎繡幕垂何當寒食雨著意濕花枝  
吳絹吹夢薄楚簾壓嬌多宿髻遙懸處教誰喚奈何

柳汁勻晨黛桃脂助晚妝誰憐薄命妾不負有心郎

吳

綺

蘭次江都人

蘭次少讀書康山之麓既而待詔金馬奉  
敕填詞流傳宮掖人都才子目爲江都才子

董少君哀辭

少君名白字小宛桃葉名姬也姿穠轉玉品貴  
埋金鶴矢意于離羣鴛有懷而慕侶吾友辟彊  
聞聲晉渡覲面蘇臺燈下團沙醉眼曳留仙之  
帶江邊畫槳同心借續命之絲乃雅韻難諧情  
波更折三生有石遂堅匪石之心離恨無天欲

作問天之想轉車輪于午夜瘦盡燈花駕艇子  
以秋風來逢月樹遂使當時才子競著黃衫命  
世清流爲牽紅線玉臺重下溫郎信是可人金  
屋皆歸汎國遂爲佳婦閒心向月并囬紅簫巧  
笑作花同臨碧鏡香分博士貪燒鷗鵠之斑書  
學夫人戲問鴛鴦之字扇松風於林下靜影如  
吹咒桃雪于庭前天心自浣新橙未擘纖手訝  
其香留弱蕙初承小唾疑于花亂斯可謂獨秀  
青閨恒芳彤管者矣爾乃樓通西閣琴調大婦

之心餗進北堂羹諳老姑之性過華亭而聽鶴  
亂中存趙氏之書入臯廡而依鴻病裏伴龐公  
之坐十年織錦巧在絲前五夜彈箏韻流絃外  
而驚鸚鵡之夢果有不祥葬鸞鳳之身于焉速  
化死而可忍彌留椒蕊之筵去必有歸恍惚蓮  
花之國某偶遊射雉恰直騎鸞見奉倩之神傷  
爲安仁而氣盡雲高巫嶺不遮傷逝之心雨入  
巴山盡是悼亡之淚展銀鉤于遺墨覩舊日之  
鈔書省瑤佩于生納見春風之出畫聞其語矣

爲之泣然媿乏八叉之才聊代七哀之賦青牛

帳裏想入夢以氤氳紫玉墳邊當歌聲而宛轉  
憔悴春衫杏子紗潘郎二月葬梨花愁能無淚天將老死  
到多情月不華拋散珍珠思鬧掃丟殘鐵撥在琵琶莫言  
燭燭因灰盡想到當年油壁車

麻姑去後小姑閒獨剩雙成又早還此日若教居海上當  
年何事降人間青絲有結寬腰帶白玉無心認指環地下  
果容長見憶也應愁損舊眉嚮

帳中環珮望遲遲腸斷春蠶死後絲兒女何能知古處英

誰信不時宜  
支離白月長  
生語零落紅牋小字詩莫怪

東陽新病沈十年吾亦爲花癡

月路雲階信渺茫  
愁人夜起合歡牀  
嬌心欲盡原非福  
薄命無才或可長  
雕玉枕沾桃瓣粉  
縷金箱疊藕絲  
裳癡魂不逐梨雲去  
肯向巫山魅楚王

韓繡行

天上雲襄隔銀渚  
吳宮絲絕難重數  
泖水曾傳顧氏娥  
蘇臺今見韓家女  
韓家女紅稱最奇  
劉郎珍重不輕攜  
官閒畫舫陳烏几  
酒罷巾箱出紫綿  
鶴紋素綾不盈尺  
八幅神

鍼留異跡設色如開張藻圖寫生欲奪邊鸞筆第一梅枝  
第二蘭幽香拂拂指頭看唐英偃雪魂俱淡湘佩臨風影  
不乾三爲古石四水草玲瓏蕩漾皆天巧辟邪僵臥莓苔  
深沙虹跳擲蘋花老五六蛱蝶飛秋花碧畦菘菜苗霜芽  
次七靈芝光爛熳次八老竹形欹斜內中此君尤叫絕碧  
幹蕭疎才幾葉瀟湘江上一枝風篴當谷裏三更月後題  
小楷字難捫玉篆鈐朱更絕倫都無彩筆臨摹跡況復金  
鍼點綴痕虎頭家製多曾見霜禽露卉生宮線一朝歛手  
作扶餘尹邢竝坐應低面劉郎劉郎誠快哉此卷從何覓

得來請君更展紅牋帙爛醉冰堂綠酒杯

秦淮和周櫟園先生韻二首

一帶朱樓映紫霞段師家世教琵琶碧窗曉臘鷓鴣粉紅  
袖春嬌蝶蝶花鱸畔遠山巴子黛欄邊新水越娥紗當年  
記得吹簫曲明月窗容薄霧遮

面面疎檻傍水開賞心亭下足徘徊游人自墜金鞭去商  
女曾歌玉樹來五里霧迷煎甲火百枝燈照玩春杯小桃  
一向東牆發惹得遊蜂日幾回

徐嘉炎

華隱秀  
水人

戲贈何郎二絕

待得郎時月又低  
勝梳薄髮掩妝啼  
金莖可是能消渴  
斜倚薰籠聽曙鶴

郎心不肯畏風波  
如此風波奈若何  
桃葉渡頭蘭楫盡黃  
姑終竟隔天河

春江曲

十九歲作

春水滿江生  
江流不肯住  
風流終日行  
何處尋郎去  
君行春江外  
妾住春江邊  
朝朝看江水  
夜夜望江船  
瞿塘千里來  
逆浪高三尺  
風波不可去  
夕陽留估客

水轉金陵月風吹揚州花東西兩相隔俱在阿儂家

春江浩無底水深雲亦深雲影留江中如郎在妾心

桃花照水邊梅子懸山側誰教青復紅使我無顏色

顧樵

樵水吳江人

贈秋佩較書

獨理霓裳深谷幽不同二女漢濱遊芳林一夜花爭放腸  
斷春風十二樓

六六屏山隱曲房挑燈散帙夜初長無勞手浣薔薇露合  
德從來體自香

樂府新聲按拍催由來傾國自多才生辰恰近雙星節應  
向天孫乞巧來

本事詩後集卷十終